




www.BibleForChildren.org




Genesis 6




I Noanu je. Noa uqa dana ititom.
Uqa Anut amegna cahuldocca
qee. Uqa Anutca cobosin.
Anut uqa dana cajaca mahana
cunug bilein age qisol mein
eu fen.



Odocob Anut uqa Noa madon, "Dana cunug
agena qisol mec eu maha cunug ihoc len.
Eunu ija age cunug qee madigen. Mele
bahic ija maha cunug fadaldugen."



"Wag ben oso wamena hinadodocnu himec jelega. Wag eu hamol mati bahicca muduga. Odimeg baial dunuhca maha gumuca joudoga."




Hina odi jelegan. Wag eu
uqana cecelac eu 133
mita. Uqana bagalan eu
22 mita. Uqana ohis
tec eu 13
mita.



"Odocob hina sab gug filfil
hianuca agenuca cedi ehi
li megan," don.



Cetete mahana cobogina eundec dool filfil
man fululec filfil manahalca cufunecca ehadi ehi li
wagna madegan. Odocob age qee cal mowain.




Hina dool qagoc eundec gug filfil
manahal eben naha gic lecisca
cufunec eben naha gic lecisca
odi cedadaga.




Odimeg hina dool qee qagoc eundec
manahal osahic cufunec
osahic odi cedadaga.






Oodon Noa uqa wa
sil cajigiannu uqa melahul
gami uqa aidegca uqa melahul
aidagail gami age wag dunuh lein.



A black and white line drawing of a building with a window. The building is composed of several horizontal lines representing the roof and walls. A window is depicted on the right side of the building, with a grid of horizontal lines inside. The drawing is simple and minimalist.

Saen euna Noa uqana cabi gel
eu 600. Wa sil cajen eu deel 17
jagel lecis docna wa ameg cehec
maha dunuhdec eu uqana cebec qajawen.
Odocob saonadec cebec cunug hudeceb
wa ben nen.






Odocob wa eu cahineg 40 witic
40 odi mahana nen.



Odocob wa ben bahic cajimei
mahana wa gudoc calen. Odime
wag u suldocob wa lal cobon.




Wa mahana ben bahic ihoc timei aluh benben sao
bisalu eu cunug jahuladen. Ceteteh cunug mahana
cocobi medemegana siwogina eu cunug cal mein.



Qa Anut uqa Noaca dool cusca dool
mananca wagna bileinnu dahig qee
celel. Eunu uqa odocob fufu oso
mahana hon. Odocob wa sil seeldon.






Odocob deel 40 hedocob
Noa fufu cebec uqa muden
eu huden. Oodonga Noa uqa
cuhudid oso umei suldocob
nuen. Uqa wa mahana
seleldonfo qeefo eu
dugiannu suldon.




Saen deel 27na jagel lecis docna maha galal bahic en. Odocob Anut Noa madon, "Wag culimeig caleiga. Hinaca hina melemenelca hina aidenca hina melemenel aidagailca caleiga."



Odocob Noa uqa Tibud ihandugia bili meenna ihanec
cabal oso gualen.
Odimei uqa dool
qagoc eundecca man
fululec qagoc eundecca
osahicosahic cedadimei
ihanec cabal euna Tibud
ihandudu bili manen.






Bal cehec je i
ijaca ageca
ceteteh cunug
mahana cebac
cobogina euca gemo
biligiannu migina. Bal cehec
je i bileceb catanigian.

Eu uqana gadac eu i
hen. Ija taenna wal
cehegina. Euqa bal
cehec je ija mahaca
gemo biligiannu
migina eu uqana
gadac.





Ija taenna maha
jahuldocomin wal
saona caligian saen
euna ija wa sil oso
ceteteh cunug mahana
cebac cobogina eu haun
qee fadaladeiaun ec ageca

dool cunugca
maadiga eu cisdugen.





Odocob Anut uqa
Noaca uqa melahulca eelaadi
bili maaden, "Age aig qumeig
fulusdoigale. Odimeig maha
cunug ihoc leigale."




"Aria Noa uqa
melahulca wagnadec cali hoin eu
age ijanaga eu Sem, Ham,
Jafetca. Ham uqa Kenan memeg.
Mel ijed eu age Noa melahul.
Odocob dana eu agenadec
dana cajaca cunug
sabijimeig

fulusdocobil maha
cunug ihoc len."





3



60



Rom 3:23 Ge, ege dana cunug ege silail mom eunu ege Anutna fulacdoc ben eu ocwe qee.

Rom 6:23 Ge, silail kobol eu uqana ameg eu cal mec himec. Euqa Anut uqana eelgec uum igec eu cebac bilec catanec. Ege egena Tibud, Jisas Kraisca gabandumeb cebac bilocomun cataneqan.

Hibru 9:27 Dana cajaca cunug age cal mi osoldogina. Odimeig hibna age Anut amegna tawecebil uqa gesiladigian.

Efesas 2:8,9 Ge, Anut uqa uqana eelgec uum igecna age wawaga meleeceb cahahaaden. Odocob eu agena odocna qee, eu Anutna bagol igec himec. Eu dana agena odocna qee, eunu dana oso uqa culai madi, Anut uqa ijana odocnu cahahaten, odi cain madeiaun.



Jon 3:14-17 "Anut uqa Melah mahana dana agena silailnu gesiladigiannu suldocob qee nel qa mahana dana cahahaadeceb demico biluqagannu suldocob nen. Odocob Anut uqa dana cunug mahana bilegina nalunuga mimei cunug age uqanu wawaga meleigian eu age qee fadalowain qa age cebac bilec catanec eu oqagannu uqa melah osol himec culiaden. Eunu Moses uqa wadauna man sononec ihicon qoc suli u caqusenwe dana cunug age uqanu wawaga meleena eundec age cebac bilec catanec eu oqagannu Dana Melah age odi suli u caqusuqagan," don.



1 Jon 5:11-13 Odocob Anutna qasali madec je eu odi.
Anut uqa ege cebac bilec catanec igen, odocob cebac
bilec catanec eu uqa Melahna bilia. Dana uqa Melahca
gabandoc bilina eu uqa cebac bilec catanec eu wele on.
Odocob dana uqa Melahca gabandoc qee bilina eu uqa
cebac bilec catanec eu qee ol. Ija age Anut Melah ijannu
wawaga meleena eu age cebac bilec catanec wele oin ec
doqagannu je i jaqiadigina.



Jenesis 6 - 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Amele Bible (aey) © 1997, Wycliffe Bible Translators,
Inc. All rights reserved.

<https://www.bible.com/bible/978/MAT.1>

©2026 Bible for Children, Inc.

www.M1914.org

www.bibleforchildren.org

